




Ordonnances et privileges accordez provisionellement par le roy nostre Sire, pour les anciennes bandes & compagnies d

<https://hdl.handle.net/1874/9363>

ORDONNANCES ET PRIVILEGES

Accordez prouisionellement par le Roy nostre Sire, pour
les anciennes Bandes & Compaignies d'Ordonnan-
ces de Gens de Cheual, des Pays bas, publiques en ceste
annee 1591. le 4. de May.



A BRUXELLES,
Par Rutger Velpius, Imprimeur Iuré, a Laigle dor, pres de la Court.
Auec Priuil. Signé, S. Grimaldi.





PHILIPPE par la grace de Dieu, Roy de Castille, d'Arragô, de Leon, des deux Sicilles, de Hierusalem, de Portugal, de Nauarre, de Grenade, de Tolere, de Valence, de Gallice, des Maillorques, de Seuille, de Sardeine, de Corudube, de Corsicque, de Murcie, de laen, des Algarbes, de Algesire, de Gibraitar, des Isles de Canarie, & des Indes tât Orientales que Occidentales, des Isles de terre ferme de la mer Océane, Archiduc d'Austrice, Duc de Bourgoigne, de Lothier, de Brabâr, de Lembourg, de Luxébourg, de Geldres, & de Milan, Conte de Habsbourg, de Flandres, d'Arthois, de Bourgoigne de Thirol Palatin & de Haynnau, de Hollande, de Zeelande, de Namur & de Zutphen, Prince de Zuaue, Marquiz de S. Empire de Rome, Seigneur de Frise de Salins, de Malines, des cité, Villes & pays d'Vtrecht, d'Oueryssel, & de Groeninge, & Dominateur en Asie & en Africque, A nos treschiers & seaulx les Chiefpresidens, & gés de noz Priué & Grand Consaulx, Chancellier & gens de nostre Conseil en Brabant, Gouverneurs, Presidens & gés de noz Consaulx en Luxembourg, Flandres, Arthois, Namur & Frise, Grantbailly de Haynnau, & gens de nostre Conseil a Mons, Gouverneur, Chancelliers & gens de nos Consaulx en Geldres & Oueryssel, Gouverneur de Lembourg, Faulquemont, Daelhem, & autres noz pays d'oultremeuse, Gouverneur de Lille, Douay & Orchies, Bailly

de Tournay, & du Tournesiz, Preuost le Conte a Valen-
chienes, Escoutette de Malines, & a tous autres Gouver-
neurs & Officiers Royaulx, tant de Prouinces que de villes
& plat pays, Baillyz, Preuostz, Mayres, Escoutettes, drossars
Amptmans & Iusticiers, tant de nous que de noz Vassaux
& Seigneurs bassains. Ensemble a tous Magistrats & gens
de Loy cuy se regardera, & ces presentes seront monstrees,
Salut & dilection.

Noz bien amez les Chefz, Capitaines, Lieutenans, En-
seignes, Guydons, Hommes d'armes, & Archiers de noz
Bendes & Compagnies D'ordonnances en noz pays de
pardeça, nous ont faiët remontrer, Que combien que par
autres noz lettres patentes donnees en nostre ville de Bru-
ges le troisieme iour de Decembre, xv. cent, quatrevingtz
sept, Nous leur aurions pour les raisons y continues, con-
firmé & ratifyé tous & quelconques anciens droiëts, priui-
leges, exemptions & franchises que leur competent, & dôt
ilz ont iouy parcy deuât, tant du temps du feu de treshaute
memoire L'empereur Charles le quint, Monseigneur &
pere (cui Dieu absoille) que de nous, Ce neantmoins plu-
sieurs d'entre vous a pretext, que nostre Confirmation
parle en termes generaulx, sans aucune expresion ou spe-
cification d'iceux priuileges, s'aduancent de meëtre iour-
nellement en dispute & difficultè l'execution & entrete-
nement d'icelles noz lettres patentes, ne veuillât personne
cognoi-

cognoistre ny cōfesser, quelz sōt lesdicts priuileges, moins en laisser iouyr lesdicts re monstans, qui a ceste cause se treuuent entierement defraudez de ce que a si iuste tiltre leur appartient, Nous suppliant partant treshumblement que pour y remedier a l'aduenir, il nous pleust, en interpretant nosdictes lettres de Confirmation, specififier & esclarcir iceulx Priuileges, selō que pour le present estar & disposition des affaires trouuerons conuenir, Notāment qu'ilz seront exempts de toutes tailles, gabelles, maltotes, contributions & autres impositions, du moins quant aux biens a eux appartenans, tant de leur patrimoine que autres, Se soubzmettans quant a ceulx qu'ilz tiendront en ferme, de payer a nous les aydes & contributions tant ordinaires que extraordinaires, comme tous autres, moyēnant qu'ilz soyent ausy francqz & exemptz de logemēs de tous gens de guerre, & de ce qu'en depend, mesmemēt que pendant qu'ilz seront en seruice actuel, ilz ne pourront estre molestez par execution pour leurs debtes, & autres semblables actions,

SCAVOIR vous faisons, Que prenant esgard a ce que dessus, signamment aux bons, aggreables & fidels seruices que lesdictes Compaignies & Bēdes d'Hommes d'armes nous ont fait a toutes les occasions qui se sont offertes, mesmes en ce dernier voyaige de France, a la suyte de
nostre

nostre treschier & tresamé bon Nepueur le Ducq de Parme & de Plaisance, Cheualier de nostre Ordre, Lieutenât Gouverneur & Capitaine general de noz pays de pardeça, soubz la charge de nostre amé & feal Cousin le Prince de Chimay, & c. Mesmes en consideration des grans & excessifs despens qu'il leur conuient faire, pour eulx monter & equipper, & des petits gaiges qu'ilz ont eu, & ont encoires presentement, non obstant la présente chierié de toutes choses, Nous pour ces causes, & autres iustes & bonnes considerations a ce nous mouuans, inclinans fauorablement a leur supplication & requeste, Et sur ce eu l'aduis de noz amez & feaulx les gens de noz Consaulx D'estat, Priuè & Finances, Veuillans bien & gratieusement traicter nosdictes Ordonnances, Auons par la delibération de nostre dict bon Nepueur, le Duc de Parme, & c. statué & ordonné, statuons & ordonnons les poinctz & articles suy-uans, Le tout par prouision, ou iusques que aurons mis vng riglement & ordre general pour la militie, tant de pied que de cheual, de nosdicts pays de pardeça.

Premierement declarons par ces presentes nostre intention estre, que lesdicts Chieftz, Capitaines, Lieutenans, Enseignes, Guydons, Hômes d'armes & Archiers de nosdictes Bendes d'ordonnance (qui tiendront continuellement & effectuellement les cheuaults, & armes telz qu'ilz auront

auront de befoing, & seront requiz pour leurs montures, & esquippages du seruire de guerre) seront doreseuuant pour eulx & leurs mesnaiges exempts de toutes tailles, maltotes & charges, qui se leuent tant es villes que villai- ges, es lieux ou ilz tiendront leurs demeures & residences, Saulf des Impostz, subsidez, aydes & autres charges extra- ordinaires, accordees par les Estatz des pays, esquelles les Ecclesiastiques, Nobles & autres priuilegez contribuent.

Et pour le regard d'autres charges & contributions, qui se font pour quelque tēps, scauoir est en aucunes pro- uinces pour la guerre, a faulte d'aydes, Nous les en auons pareillement tenuz, & tenons libres, quietes & exemptz, affin qu'ilz ayent tant meilleur moyen de nouz rendre seruire, y employans leurs reuenuz & facultez.

Seront pareillement les dictz de noz ordonnances (se maintenant cōe dessus) exēptz de tous logemēs de gēs de guerre, tāt aux passages, repastages, que garnisons, cōe aussy ne seront tenuz contribuer avecq les autres, pour les fraiz & despens engendrez ou a engendrer a cause de furnisse- ment desdicts logemens, dont (comme dit est) les auons speciallement affranciz. Et ce seulement pour le regard des maisons a eulx appartenantes en propriete, ou esquel- les ilz

les ilz tiennent leurs demeures principales. Bien entendu que si aux Bourgz ou Villaiges aucuns desdicts Hommes d'armes ou Archiers tiennent d'autrui Censes, terres, ou maisons de labour a ferme ou louage, ilz n'en seront frâqz ains contribueront pour ce regardt avecq les autres habitans du lieu.

Pareillement, affin qu'ilz peuuent plus librement entendre a leur seruice militaire, sans en estre aucunemêt distraictz par proces, Ordonnons & statuons, que pendant que lesdicts de noz Ordonnances seront en seruice actuel ou expedition militaire, soubz leurs Enseignes ou Guidons, ilz ne seront pouriuyables, ny tenuz proceder, ny aussi executables en leurs biens, pour debtes, & autres pretensions & actions pasciues, mais sera besoing attêdre leur retour dudiect voyage, Ne fut toutesfois qu'ilz fussent en garnison de quelques villes ou fortz dedans la prouince de leurs demeures ordinaires, Auquel cas ne seront excusez de respondre ou proceder pour telles actions deuant leur Iuge ordinaire,

Leur auons pareillement oëtroiyé & accordé, Ottroyons & accordons, Qu'ilz ne pourront estre arrestez en leurs personnes, ny executez en leurs cheualx ou armes, pour aucunes debtes, encores qu'ilz ne fussent en expedition

tion militaire, sy ce n'est pour celles qui serōt contractees
es lieux ou ilz seront trouuez, ou pour achapt de leursdicts
cheuaultx & armes seulement, en ensuyuant les anchienes
ordonnances de feu la Maiesté Imperialle, de l'an xv. cent,
quarante sept, comme ausy ilz seront pour le regard de la
iurisdiction pour le surplus en conformité d'icelle ordon-
nance.

Moyenant tous lesquelz priuileges par nous ottroyez
a nosdicts hommes d'armes, entendons iceulx se debuoir
gouuerner & rigler vertueusement, & en gens d'honneur,
& de bonne reputation, sans fouller, manger ny vexer noz
subiects, de sorte que n'en puissions auoir quelque iuste
plaincte ou doléance, nonobstant quelconques ordōnan-
ces, octroys, concessiōs ou Priuileges au cōtraire, ausquelz
auons derogué, & deroguons de nostre certaine science,
authorité & puissance absolue & Royale, par cesdictes
presentes.

Sy vous mandons & enioindons, & a chascū de vous
endroiēt soy, & sy comme a luy appartiendra, bien expres-
sément, que suyuant cestuy nostre present Octroy, declara-
tion, intention, & esclarcissement, vous faictes, souffrez, &
laissez lesdicts Chiefs, Capitaines, Lieutenans, Enseignes,
Guydons, Hommes d'armes & Archiers en general & par-

B

ticulier

ticulier plainement & paisiblement iouyr & vser des Priuileges, franchises & exemptions susdictes, en quelque lieu, pays ou Prouince qu'ilz loyent residens, moyennant & en faisant par eulx deuement apparoir, qu'ilz sont comprinz & enroliez ioubz lesdictes bendes, Et au surplus le tenans ap perceuz & pourueuz d'armes & cheuaux, ainsi que leur qualite, & le seruice de guerre, a quoy ilz sont obligez le requiert, Affin d'estre preitz, & en ordre toutes les heures, que nous aurons beloing d'eulx, Sās leur faire mectre, ou donner, ny souffrir estre fait, mis ou donne aucun trouble, destourbier ou empeschement au contraire.

Mesmes vous ordonnons, que a la requisition desdicts Chiefs, Capitaines, Lieutenans, Enseignes, Guydōs, Hommes d'armes & Archiers, vous faietes publier celsmes presentes par tous les lieux, & limites de voz iurisdictiones & offices respectiuement, quand requiz en serez, Affin que personne n'en puist pretendre cause d'ignorance & que chascun se riegle selon ce.

Et pource que de cesdictes presentes lon pourra auoir besoing en plusieurs & diuers lieux, Nous voulons, que au vidimus d'icelles soubz seel autentique, ou copie collationnee & signee par l'vng de nos Secretaires, plaine & entiere foy soit adioustee, comme a celsmes originales,

Car

Car ainſy nous plaiſt-il. Donné en noſtre Ville de Bru-
xelles le vingtviiefme iour d'Auril, l'an de grace Mil, Cinc
cent Nonantevng. De noz Regnes affcauoir de Naples &
Hierufalem le xxxviij. De Caſtille, Arragon, Sicille, & des
autres, le xxxvj. & de Portugal le xij.

Marqué, Pamele vidit.

& en bas ſur le ply,

Par le Roy.

Et ſouſſigné

Verreycken.

Et ſcellé du ſeel de Sa Maieſté, pendant a ſimple queue de parchemin
de cire vermeille.

